



Universitätsbibliothek Paderborn

**Leben Deß Gottseeligen durch den wunderthätigen Sig
auff dem Weissen Berg bey Prag 1620. vnd andere Gnad-
vnd Wunderwürckungen berühmtesten Diener Gottes
Dominici Von Jesv-Maria, Deß Barfüsser ...**

Raphael <a Sancto Josepho>

[München], 1685

XI. Cap. Wie miraculos diser Haupt-Sig vnnd seine Würckungen gewesen
seyn.

urn:nbn:de:hbz:466:1-38094

Das XI. Capittel.

Wie Miraculos diser Haupt-Sig/
vnd seine Würckung gewesen
seyn.

Die Miraculos vnd übernatürliche dise
Victori vnd Haupt-Sig gewesen sey/ er-
hellet auf allem dem/ was bisshero gesagt wor-
den. Derowegen jhn der glorreicheste Herzog
in Bayrn in seinen Briefen an die Rom. Päpstl.
Heiligkeit Paulum V. (a) einen Sig Gottes
genennt/ in dem vil wunderbarliches zu sehen wa-
re/ wo dem Menschlichen Ansehen nach vngleich/
vnd auff Catholischer Seiten vnbischlich zu streit-
ten ware/ aber auff Gott vertrauet/ auff seine
Göttliche Hülff (so alle übernatürliche motiv
seyn) sich verlassen/ vnd auf einem vnbischlichen/
vnd dem Feind vnderworffenen Orth gestritten/
vnd überwunden wurde. Und gleich wie er jhn
von Gott vnd der heiligen Mutter Gottes al-
lein miraculos vnd wunderthätig erkennet/ also
mit diser Christlichen vnd Hochfürstl Große-
mut vnd Demut sich weit berümbter gemacht /
dass er ihm dem fürnembsten Instrumento dises
Sigs nicht zuschreiben wollen/ alle Chr vnd
Triumph- Porten vnd Bögen/ so man jhn an
vilen Orthen/ fürnemblich aber in seiner Haupt-
vnd Residenz-Stadt München bereit aufge-
richt/ vnd aufrichten wollen/ verbotten/vnd dem
hei-

(a) Annal. Boic. pars. lib. 5, n. 75.

heiligsten Gott vnd Mutter Gottes allein alle Ehr vnd Dank haben/ sagen/ vnd zugeschrieben wollen: vnd nicht allein der glorwürdigsten Mutter Gottes M A R I A als Überwinderin in vnser lieben Frauen Stift- Kirch den hohen Altar mit ihrer glorwürdigsten Himmelfahrt- Bildnus kostbar auffgericht/ vnd hinden an dem Blat die Victori zugeschrieben/ sonder auch dem wunderthättigen Bild S. M A R I A de Victoria genant/ so Dominicus in Prager Schlacht vorge tragen/ die Ehr geben/ mit einem kostbaren Tabernacul/ zwanzig eroberten Fähnlein/ vnd anderer mehreren Verehrungen/ wie hernach wird mehrers erzehlt werden/ begabt hat. Den als ein gegenwärtigen höchst vernünftigen/ gerechtesten vnd unwidersprechlichen Zeugen wir Anfangs vnd allen Widersprechern entgegen gesetzt haben wollen.

Mit weniger haben das Miracul vnd Wunderthat diser Victorien erkennt/ gerümt vnd verehrt alle Catholische General/ Kriegs- Häupter/ Befelchshaber vnd Soldaten/ welche es ihnen billich für grössere Glory vnd Ruhm gehalten vnd zu halten haben/ daß sie nicht allein all ihren Starckmut und Eyfer angewendet/ sonder auch diese ihre Starck vnd Eyfer Anwendung miraculos vnd übernatürlich gesegnet/ geführt/ gubernirt vnd zu einem solchen Haup-Sieg erhoben vnd befördert worden.

Die Feind selbst haben / das Werk kein Werk

Werck der Natur erkennet/ mit disen Under-
scheid/ daß theils vnd gar vil aus ihnen das
Miracul/ vnd die absonderliche Hand Gottes
gesehen/ zum Catholischen Glauben sich bekehrt/
Gott die Ehr geben/ vnd vil Wunderding /
so sich ereignet/ bekennt haben: andere aber /
welche in ihrer Hartnäckigkeit verbliben/ erkennet/
vnd bekennt/ daß dasjenige/ was sie gelitten /
nicht natürlich gewesen seye/ aber Gott/ der
allein die Reich nimbt vnd gibt/ wem er wil /
vnd den Catholischen Waffen die Ehr nicht
gunnen wollen/ sonderen dem Teufel geben: in
deme sie vor- vnd aufgeben/ daß der Herzog in
Bayern einen Späischen Herrenmeister oder
Zauberer vnd Teufels - Banner von dem
Pabst erhalten/ vnd mitführe (also nennen sie
Dominicum) der mit seiner Teufels Banne-
rey ihnen Ross vnd Mann verbant/ vnd den ih-
nen ungewisfelt gebührend / vnd zustehenden
Sig abgebant habe/ so gar/ daß Fürst Chri-
stian von Anhalt / Feindlicher Seiten Ge-
neral - Leutenant / als er von der Wallstatt
süchtig den Pfalz - Graffen im Prager-
Schloß antroffe/ ihn anredete: Lasset uns
flichen / O König / dann unser Kriegs-
Heer ist ganz zerstreuet / der jenig Zaube-
rer hat uns alle verblendet. Wordurch er so
wol Dominico den Sig zugeschrieben / als
nothwendig gezigen / daß er von Dominico
vnd seinem in Hand habenden heiligen Kreuz-

fir/

530 Leben des Gottseligen Battlers

für vnd MARIA Bildnus ein anderes aufge-
hendes Licht gesehen habe/ im übrigen aber ver-
blendet bliben/ er vnd alle die/ die vilmehr dem
Teufel einem Fürsten der Blindheit vnd Finster-
nuß/ als dem gerechtesten Gott/ der das Licht
der ganzen Welt ist/ vnd seinem Diener Domi-
nico, vnd denen die in GOTTE gehofft haben
Christlichen Catholischen Helden/ die Ehr vnd
den Sig/ der/ wie die Schrift sagt/ allein von
Himmel ist zu schreiben wollen.

Endlich/ Gottes ist/ sagt der Prophet (a)
helfen oder in die Flucht wenden. Bekan-
net/ ihr flüchtige Reyer/ daß es nicht der Teufel
noch ein Teufels Zauberer/ sondern GOTTE
vnd ein Gottes Diener gewesen sey / der den
Catholischen Waffen geholffen / euch aber in
die Flucht vnd das Elend gewendet habe. Und
kan zwar nicht vntümlich / sonder zu grossen
Ehren fallen Dominico, daß er von euch/ wie
der Herr vnd Heyland selbst von den Juden
genent werde ein Teufels Banner vnd Zaue-
berer / sehr vntümlich aber vnd zu grossen
Schaden gereicht euch / daß ihr disen grossen
Haup-Sig euer vnd so viler Länder mit eignem
Mund zugeeignet Dominico dem Diener/ vnd
absprecht Gott dem Herrn aller Kriegsheer/
dem Erschaffer / Herrscher vnd Regierer aller
Ding.

Die Umbständ/ die disen Haupt-Sig vnd
Schlacht

(a) 2 Poral. 25. 8.

Schlacht sehr wunderbarlich gemacht / seyn die Prophetisch Erkandtnuß / vnd Vorsagung Dominici ; daß der Feind sehr starck / vnd alte geübte / auch außgeraste / wolversehene Mannschaft gehabt : Die Catholische aber schwach / in deme auf beyden Armeen vil tausend gestorben / vnd etliche tausend abwesend / vnd in Besatzung verlegt verbliben / also daß von der Reichs-Armee Reuterey nur 3700. von Fuß-Volck aber wenig über 7000. oder nicht so vil / von Kayserischer aber nicht mehr dann 6000. zu Fuß / vnd 2000. zu Pferd bey der Schlacht sich befunden haben. Dß der Feind in solchem Vortheil gelegen / daß menschlichen vnd Kriegs-Regeln nach / die mehrere Stimmen vnd Meinungen gewesen / daß er ohne vnseren Verlust nicht angegriffen werden könne. Dß Dominicus ein anderer ELIAS wie ein Feur im Rath aussgestanden / vnd sein Wort wie ein Liecht oder Fackel gebrunnen / vnd alle Meinungen / vnd Stimmen also verkehrt / daß einhellig der Sig durch Gottes Hilff verhofft / vnd zu schlagen beschlossen worden. Dß alle Soldaten ein solches Herz / vnd Muß zum Schlagen empfangen / so von Himmel zu seyn scheinte / vnd sie des Sig gleichsam vergewissete. Dß alle Vortheil des Feinds dem Feind zwider gedient / vnd was am meisten vnserer Seiten gesuchten worden / am meisten dem Feind geschadet / oder von ihm vergessen / vnd verlassen wor-

LI

den)

den / absonderlich / das / was bey vns am meiste bedacht worden / er Prag zum Rücken hattet / wo er sich hinziehen / vnd widerstellen konte / aber von ihm also vergessen worden / das gar wenig sich nach Prag gezogen / vnd von der Stadt Prag Wehr vnd Beschützung nicht von einer lebendigen Seelen einmahl gedacht worden. Das die Höhe atff der sie zu grossem Vortheil stunden / den vnsen wider die Feind dienste / vnd verursachte / das die meiste Kugeln über vnsere Armee aufztiengen / vnd wenig Schaden verursachten : Das die kleine Berg-Büchel / so sie auff Orientalischer Seiten zum Schutz hatten / vnsere Stuck darauff zu bringen / zum besten kommen.

Das bey dem Stern / den sie für ein Vestung innhatten / sie die meiste Niederlag gelitten / vnd wo ohngefähr vor einem Jahr der Pfalz-Graf Friderich König zum erstenmahl gegrüßt worden / dort auch zum erstenmahl wider abgesagt / vnd verlassen worden. Das die Mittägige Sonnen / so vnsere neben den feindlichen Völwercken gegen ihnen hatten / von dem allmächtigen Gott mit einer Wolcken / da sonst der ganze Himmel heiter war / also bedeckt worden / das sie ungehindert die Höhe besteigen vnd angreissen können. Das in wehrender Schlacht selbst / als Dominicus sich zu Pferd begeben / von ihm vnd vilen gesehen worden feurige Kugel vnd Strahlen auf dem heiligen Crucifix vnd M A R I Ä Bild

Bildnus aufgehend / von anderen himmlischen
Kriegs-Heer vnd Schaaren / von Fürsten von
Anhalt jenes Liecht vnd Krafft / oder was es
immer gewesen ist / so sie verblendet / gesehen vnd
gesüllt worden. Daz gemeiner Aussag nach /
auff Feindlicher Seyten / so wol die Ross als
Männer ertattert / vnd gezittert haben.

Endlich / das / nach deme unsere Armeen schon
gewandelt / der Feind ansangen Meister zu wer-
den / vnd schon völlig Victoria geschryen / die
Sach / so bald Dominicus auff der Wahlstatt
erschinen / sich augenblicklich gewendet / der
Feind geslohen / vnd der Catholische Sig / ein
Ursprung viler anderer erhalten worden. Disse
vnd mehrere andere Umbständ waren / die wol
errodgen / disen Haupt-Sig wunderbarlich
machen / vnd miraculos / vnd von Himmel zu
senn schryen.

Die Würckung vnd effect diser Victoria vnd
Haupt-Sig waren nicht weniger wunderbar-
lich vnd absonderlich von Gott. Dann als
folgenden Tag den 9. Tag Novembris Her: Ge-
neral Leutenant der Reichs-Armee Graf von
Tilly mit dem Neapolitanischen Regiment für
die Statt geruckt / vnd die Maur besteigen las-
sen / ist alles darin also still gewesen/daz niemand
ein Wort darwider melden dörffen / sonder die
von der kleinen Seyten alsbald dem Herzog in
Bayrn / wegen des Sig's Glück gewünscht /
ihme im Namen Ihr Röm: Kaiserl: vnd

El 2

Konigl:

Königl: Majestät die Schlüssel entgegen gebracht / vnd die Thor geöffnet.

Denen bald beede andere Stätt / wie auch alle Ständ des Königreichs gefolgt / vnd sich Ihr Röm: Kayserl: Majestät ihrem rechtmässigen König vnd Herrn gänzlich ergeben / alle außländische Verbündnussen verworffen vnd cassir, vnd sich auff das neue verpflichtet. Worauff der Erz-Bischoff vnd Clerisy wider in ihre Kirchen ersezt / die heilige Orden vnd Ordens-Personen wider eingeführt / die Kirchen/Altär vnd Bilder wider geheiligt / G D E M A R I A, sein Mutter / vnd die Heilige Gottes / wider geforchten vnd geehrt / die Catholische wider zu Ehren / Würden vnd Greyheit gebracht / sehr vil zu dem Catholischen Glauben alsobald wider bekehrt / vnd schier in einem Augenblick auffs wenigst in wenigen Tagen auf disem Haupt-Sig allein das Königreich Böhaim wider zu vorigem Flor erhoben worden; vnd folgends dardurch zu diser Grüne der Treue / Gehorsam / Gottseligkeit / des wahren seeligmachenden Catholischen Glaubens Einigkeit / Ruhe vnd Frieden kommen / an dero es zu diser Zeit fürtrefflich blühet vnd fruchtet / vnd zu künftigen Zeiten mit der Gnad Gottes blühen vnd fruchten wird.

Nächst welchem auch Mähren widerumb dem Römischen Kayser / vnd dem Catholischen Glauben erobert / Schlesien zur Schuldigkeit gebracht / Österreich erhalten / Ungarn vnd

vor

vornemblich Sibenburgēn gezaunt / vil Teut-
sche Ländēr von der Calvinischen Sucht vnd
Tyrannēy errettet / die Pfalz in Catholische
Hānd vnd zum wahren Glauben wider gebracht:
der Catholischen Religion ein Catholischēs
Votum im Churfürstlichen Reichs Collegio zu-
gewachsen / das Rōmische Reich bevestiget / ja
auch / wie Caraffa schreibt (a) in Welschland
der Fiden erhalten / in Francreich die Hugo-
noten gedämpft / dem Türcken vnd seinen
Bunds Genossen der Weeg vnd die bereit ge-
öffnete Thür verschlossen / vnd in so weniger fast
augenblicklicher Zeit ein solche Veränderung der
Sachen gesehen worden. Daz man billich sagen
vnd bekennen müsse / daz es die Veränderung
der Hand Gottes gewesen seye: vnd seine all-
mächtige Hand / nicht die unsere dises alles ge-
würkt habe.

Diser so viler augenscheinlicher Götlicher
Würckungen / vnd wunderbarlichen Umbständ
halber / hat disen Sig Gottes ein Porten
vnd Brunnquāl so viler anderer Sig der
Päpstliche Stuhl mehrmals Miraculōs vnd
wunderthätig erkennt vnd verehrt: massen gleich
Paulus der V. dis Namens Rōmische Pabst
nach erhaltenen Brieffen vnd Wissenschaft der
Victori , mit grossem frolocken in die Kirch S.
MARIAE Majoris sich begeben / vnd vor dem
Allmächtigen Gott nidergeworffen / ihme vnd

El 3

seis

(a) Gorman. sac. restaur. pag. III.

336 Leben des Gottseligen Bakters

Teiner allerwerhesten Mutter mit vilen Zähren
den schuldigen Danck gesagt : hernach auch von
der Kirchen S. MARIA de Minerva , zu der
Kirchen S. MARIA de Anima in der Statt
Rom ein allgemeine Procession angeordnet / selbst
allda Mess gelesen / vnd disse Victori hochfeyrlich
begangen. Ingleichem Gregorius XV. fast zwey
Jahr hernach / das H. Bild der heiligsten Jung-
frauen MARIA so Dominicus in der Schlacht
vorgetragen als miraculos , wunderthätig / vnd
victorios zu Rom mit grossem Triumph / wie
hernach gesagt wird werden / empfangen / dises
Sigs halber S. MARIA de Victoria genen-
net / vnd mit vilen Gnaden vnd Ehren / er so wol
als etliche andere folgende Römische Päpst ver-
ehrt vnd begabt.

Nicht weniger der Römische Kayser Ferdi-
nandus der Andere / Christmildeste Gedächte-
nuß dises miraculos vnd wunderthätigen
Sigs halber / disse Bildnuß S. MARIA de
Victoria mit einer kostbaren Käferl: Kron /
z. Jählein vnd vilen anderen Gaben verehrt /
vnd in diser Victori Ansehen / wie hernach wird
außführlicher gemeldet werden / dem barfüßigen
Carmeliter Orden etliche Elöster in Deutsch-
l. vnd / vnd absonderlich zu Prag vnder dem Ei-
tuß vnd Namen S. MARIA de Victoria auß-
gebaut / gestiftt vnd verehrt.

Auf welchem Ansehen und motivo auch des
Durchleuchtigste Fürst vnd Herz Maximilian
Chur-

Churfürst in Bayern Dominico seines Ordens
Closter zu München zu bauen verhaissen / vnd
nachmahl's bauen lassen / in dessen Kirchen Hoch-
Altar (gleich wie auch zu Prag) die Bildnus
S. MARIAE de Victoria , die Pragerische
Schlacht / Threr Churfürstl. Durchleucht vnd
Dominici Bildnus zu sehen / vnd das Miracul
vnd Wunderthat diser Victori offentlich zu er-
kennen ist.

Was nun bey diser Haupt-Victori vnd
Sig Dominicus gethan / vnd wie vil ihme zu-
zuschreiben seye / lassen wir ein jeden auf deme vr-
theilen / was bis dato gesagt ist : dieses ist gewiss /
dass Dominicus zu diser Campagna vnd Feld-
zug dem Allmächtigen Gott vnd seiner Kirchen
zu Dienst das äusserste seines abgematten schwä-
chen vnd francken Alters dargesetzt vnd contri-
buirt, vnd wil nicht ohne Miracul scheinen / dass/
obwol er sonst allezeit frant vnd oft Ligerhaft
gewesen / diese Monat / so lang er bey der Armee
gewesen / vngewachet der Unordnung / vngewohn-
ten Lufsts vnd Speisen / so viler Krankheiten / die
bey einem Feldzug zu leyden / alzeit gesund / vnd
also stark bliben / dass er anderen Kranken beh-
ehen / Tag vnd Nacht entweder im Gebett wa-
chen / oder Werck der Barmherzigkeit üben / die
heilige Sacramenta auftheilen / Predigen / vnd
geistliche eyfrige Ermahnungen halten / vnd end-
lich der Schlacht selbst beywohnen können. So
ist auch gewiss / dass er mit himmlischen überna-

gl 4 tür

türlichen Anmahnungen/die natürliche Meinung
der Kriegs-Häupter überwunden/vnd selbi-
ge zur Schlacht vnd zum Sig mit Anmuthung
zu GÖtt vnd gewisser Verheissung des Sigs
bewogen. Da hernach unsere Armee schon zur
Flucht wanckelte / hat nit gewandelt sein Glaub
vnd Hoffnung/ sonder nur mehr befestiget sich zu
Röß begeben / vnd mit dem Glanz vnd Strahl
seines heiligsten Crucifix / vnd der H. Bildnus
MARIAE denen Feinden nicht allein erschrocklich
erschinen / sondern sie in Confusion , in Unord-
nung / in zittern vnd tattern in die Flucht ge-
bracht. Also/ daß unsern Catholischen Waffen
die ewige Glory vnd Ehr verbleibt / daß sie dise
wunderthätige Victori mit ihrem Valor vnd Ca-
tholischer Tapfferkeit himmlisch vollführt vnd
exequirt: Dominico aber / daß er sie darzu him-
mlich beredet / angemuthet / vnd dirigirt , dieselbe
ihnen an statt GÖttes verheissen / vnd grossen
Theil mit seinem Gebett von GÖtt erhalten hat.

Derentwegen oft höchsterühmte Römische
Kaiserliche Majestät Ferdinand der Andere
Christmildester Gedächtnuß die Beatification
vnd Canonization , oder Seelig- vnd Heilig-
sprechung des gottseligen Vatters gleich nach
seinem Todt inständig begehrt / vnd damit die
Königliche Majestät in Spanien solche gleich-
mäßig begehren möchte / dieselbige schriftlich er-
sucht / vnd ihr meistes Motivum vnd Antrib-
Stück darzu / dise Victori vnd Haupt-Sig /
den

den sie von ihm erkennt / mit folgenden Worten vorkehrt : Was aber vnder anderen seinen denckwürdigen Wercken nicht die allerkleinste Glory ist / zehlen wir dieses vornehmlich / daß gegen dem Anfang der Böhmisches Rebellion , vnser Kriegs-Heer bey der Stadt Prag / wo vmb die Summa aller Ding zu ihm ware / auff sein Zusprechung vnd Segen vertrauet / den Feind also glücklich angrissen / daß er jene vortreffliche Victori oder Sig erhalten / als ein Ursprung vnd Brunnquell aller glücklichen Außgäng / so die Göttliche Güte bisshero zur ganzen Catholischen Religion, vnd vnseres Oesterreicherischen Hauses Gutthat uns verlyhen hat. Worvon dann auch so wol sie höchsternennte / als die nachfolgende / vnd der jetzt glorwürdigst Regierende Römische Kaiser LEOPOLDUS I. König in Spanien/ Ihr Churfürstl. Durchleucht in Bayrn / vil andere Catholische Fürsten vnd Ständ gleichmässig bewogen / ersagte Seelig . vnd Heiligsprechung von dem Päblichen Stul inständig begehren / vnd alles Verhoffens durch den Beystand Gottes zu Erfreung der ganzen Catholischen Kirchen chisten erhalten werden.

Nach also erhaltener Victori den andern Tag in aller Fruhe / da der gottselige Vatter sich die heilige Mefz zu lesen befleydete/wird der Herzog in Bayrn bericht / daß die Stadt Prag

§ 5

ohne

ohne einigen Widerstand sich auff Kaiserliche Gnad ergebe / welcher es alsbald Dominico selbst sagte / ihn sehr damit erfreuete / vnd gleich auff Prag zuritte. Nach vollendet heiligen Mess folgte auch Dominicus, zoge der Herzog in Bayern bey dem PP. Capuciner Thor durch den Rätschin in das Königliche Schloß ein: vnd weil die Haupt- vnd Thurm-Kirchen durch Calvinische Unbild vereyktelt / vnd entweyhet/ vnd in selbiger alle heilige Bilder / so gar das heiligste Crueifix selbst zertrümmert / vnd weg geworffen war / als gienge er gleich ersten Gangs in der Woit-Ehrwürdigen PP. Capuciner Kirch / auf daß er die schuldige Dancksgung / Gott vnd der Mutter Gottes ablegte / so zwar nur schier privat, obwohl mit allen Generaln vnd Kriegs-Häuptern / vnd möglicher Solennität vnd Geschütz-Lösung geschahe / bis daß an i. m achten Tag der Victori hernach / nach deme die Clerisen vnd alle geistliche Orden wider eingeschürt / vnd alles in gute Ordnung gebracht worden / auch die Catholischen in grosser Anzahl ankommen / in aller Heiligen (die für die Catholische gestritten) Schloß-Kirchen das Te Deum Laudamus vnder Lösung der Stuck vnd Salve der Musketirer hochfehlichst gesungen vnd gehalten worden.

So lang Ihr Hochfürstl. Durchl. Herzog in Bayern zu Prag gewesen / seyn sie vnd Dominicus neben ihme in der grossen Poppelischen Bes-

Gehausung auff dem Platz vor dem Schloß lo-
girt. Den 17. Tag Novembris seyn höchste-
dachte Ihr Hochfürstliche Durchleucht vnd mit
deroselben Dominicus nach allen wolgestellten
Sachen zu Prag auffgebrochen / vnd den 25. an
St. Catharina Tag gegen dem Abend gesund
vnd glücklich zu München angelangt / vnd als-
sobald in unser lieben Frauen Stift Kirchen ge-
ehlt / allwo dem Allmächtigen Gott vnd Mut-
ter Gottes gedanckt / vnd das Te Deum Lau-
damus mit größter Solemnität gesungen worden.
Nach dem nicht aufzusprechen / mit was für
Zrost vnd Freuden die Herzogin ihren Herrn
vnd Gemahl empfangen / hat selbige sich auch
zu Dominico gewendet / ihn mit größter Freud
vnd Ehr empfangen / vnd gesagt / sie bedanke
sich höchstens gegen ihm / daß er sein Wort so
treu gehalten / vnd ihren Herzog also gesund /
vnd mit so fürtrefflicher Victori zurück gebracht
habe / wie er ihr verheissen hatte.

Das XII. Capittel.

Dominicus kommt mit dem Herzog
nach München : Göttliche Gnaden / so er
allda empfangen : Verreist zu Ihr Röm. Kav-
serl. Majest. nach Wien / vnd wird mit grö-
ßen Ehren empfangen.

Nach dem Dominicus mit seinen Gesellen
nach München kommen / ist P. Petrus à
Matre Dei sein Beichtvater von der hizigen
Kranz.